

HYSBYSIAD PREIFATRWYDD AR GYFER CYNGHORWYR

Sut y bydda i'n defnyddio'ch gwybodaeth bersonol yn rhinwedd fy swydd yn Gynghorydd wrth fynd i'r afael â materion rydych chi'n eu codi gyda mi ar eich rhan chi.

1. Pwy ydw i, beth yw fy rôl?

Fel Cynghorydd etholedig ym mwrdeistref Rhondda Cynon Taf, mae etholwyr yn aml yn gofyn i mi am fy nghyngor a'm cymorth i ddatrys materion a phroblemau sydd gyda nhw â sefydliadau ac asiantaethau. Mae modd i'r materion yma gynnwys, er enghraifft:

- Rhoi cymorth;
- Cefnogi preswlydd i adrodd am olau stryd sy wedi torri; a
- Cynorthwyo unigolyn i ddatrys mater sy'n gysylltiedig â hawliad.

Mae ymgymryd â'r gwaith yma yn golygu fy mod i'n aml yn gorfod casglu a phrosesu gwybodaeth bersonol am y person sydd wedi gofyn i mi roi cyngor neu gymorth iddyn nhw, neu sydd wedi gofyn i mi eu cynrychioli. Mae'n bwysig felly fy mod i'n egluro i bobl drwy'r hysbysiad preifatrwydd yma sut y bydd angen i mi ddefnyddio eu gwybodaeth bersonol er mwyn cyflawni fy rôl fel Cynghorydd.

2. Pa fath o wybodaeth bersonol ydw i'n ei chadw ac am bwy?

Os ydych chi'n cysylltu â mi yn fy rôl fel eich Cynghorydd dros y ffôn, trwy lythyr, drwy e-bost neu wyneb yn wyneb, rwy'n debygol o gasglu a phrosesu rhywfaint o wybodaeth bersonol amdanoch chi er mwyn mynd i'r afael â'ch cais.

Mae'r wybodaeth bersonol y bydda i'n ei phrosesu amdanoch chi'n debygol o amrywio yn dibynnu ar natur y broblem neu'r pryder rydych chi wedi gofyn am fy nghymorth ynglŷn â hi/ag ef. Yn gyffredinol, bydda i'n gofyn am eich gwybodaeth bersonol fel eich enw, cyfeiriad a gwybodaeth gswllt ynghyd â manylion eich problem neu'ch pryder. Weithiau, mae'n bosibl y bydd yr wybodaeth sy'n ymwneud â manylion eich problem neu bryder yn cynnwys:

- Amgylchiadau teuluol, ffordd o fyw ac amgylchiadau cymdeithasol
- Gwybodaeth ariannol
- Gwybodaeth am addysg a chyflogaeth
- Gwybodaeth am eich sefyllfa o ran tai
- Manylion y gŵyn/pryder

Efallai bydd angen i mi hefyd brosesu gwybodaeth fwy sensitif (sy'n cael ei hadnabod yn 'wybodaeth categori arbennig') fel:

- Manylion iechyd corfforol neu iechyd meddwl
- Hil neu darddiad ethnig
- Troseddau gan gynnwys troseddau honedig ac ati

Fyddai i dim ond yn gofyn am yr wybodaeth yma os yw'n hollol angenrheidiol.

Fel arfer, bydda i'n prosesu gwybodaeth amdanoch chi, ond efallai y bydda i hefyd yn prosesu gwybodaeth bersonol sy'n ymwneud â phobl eraill sy'n gysylltiedig â'r mater neu bobl y bydda i'n dod i gysylltiad â nhw wrth fynd i'r afael â'r mater. Mae modd i hyn gynnwys gwybodaeth am, er enghraifft:

- aelodau'r teulu, perthnasau, gwarcheidwaid a phobl eraill sy'n gyfarwydd i'r person rwy'n cynrychioli eu gwybodaeth bersonol
- gweithwyr y cyngor
- landlordiaid a landlordiaid cymdeithasol
- cysylltiadau busnes neu gysylltiadau eraill

3. O ble y bydda i'n casglu'ch gwybodaeth

Mae'r wybodaeth rwy'n ei phrosesu yn debygol o ddod o amrywiaeth o ffynonellau yn dibynnu ar natur eich problem neu bryder a'r unigolion neu'r sefydliadau rwy'n dod i gysylltiad â nhw yn ystod fy ymholiadau. Fel arfer bydda i'n cael gwybodaeth o'r ffynonellau canlynol:

- Wrthydych chi pan fyddwch chi'n gofyn am fy nghyngor neu'n gofyn i mi eich cynrychioli.
- Sefydliadau ac asiantaethau sydd o bosibl yn gysylltiedig (gweler cwestiwn 6 isod am enghreifftiau)
- Efallai y bydda i hefyd yn llunio fy ngwybodaeth fy hun er enghraifft wrth ymateb i'ch pryder a diweddarau fy nghofnodion.

4. Ar gyfer beth y bydda i'n defnyddio'ch gwybodaeth?

Dim ond er mwyn mynd i'r afael â'r broblem neu'r pryder rydych chi wedi gofyn am fy nghymorth ynglŷn â hi/ag ef, neu er mwyn ymateb i'r broblem neu'r pryder, y bydda i'n defnyddio'ch gwybodaeth.

5. Beth yw'r sail gyfreithiol o ran defnyddio'r wybodaeth yma?

Y sail gyfreithiol o ran defnyddio'r wybodaeth yma a'i phrosesu yw:

Data personol:

- Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr.

Data Categori Arbennig

- Erthygl 9 (g) – prosesu sy'n angenrheidiol am resymau er budd sylweddol i'r cyhoedd, ar sail cyfraith yr Undeb neu'r Aelod-wladwriaeth: DPA2018, Atodlen 1, Rhan 2 (23 a 24)

Data am euogfarnau troseddol

- Erthygl 10 – dim ond dan reolaeth awdurdod swyddogol y caiff data personol sy'n ymwneud ag euogfarn droseddol a throseddau ei brosesu, neu lle mae prosesu wedi'i awdurdodi gan gyfraith yr Undeb neu'r Aelod-wladwriaeth: DPA2018, Atodlen 1, Rhan 2 (23 a 24).

6. Ydych chi'n rhannu fy ngwybodaeth ag unrhyw un arall?

Er mwyn i mi ddelio â'ch cais a datrys eich problem neu bryder, rwy'n debygol o rannu eich gwybodaeth gydag asiantaethau a sefydliadau eraill a fydd o bosibl yn gysylltiedig â'r mater, neu y bydda i'n dod ar eu traws yn ystod fy ymholiadau. Fydd gwybodaeth yn cael ei datgelu i'r unigolion/sefydliadau hyn dim ond os oes angen iddyn nhw wybod.

Bydd natur y sefydliadau neu asiantaethau y mae'n bosibl y bydda i'n rhannu'ch gwybodaeth â nhw yn amrywio yn dibynnu ar natur y broblem neu'r pryder. Mae'n bosibl y byddan nhw'n cynnwys, er enghraifft:

- Adrannau a gwasanaethau'r Cyngor
- Adrannau'r llywodraeth ganolog fel Cyllid a Thollau Ei Mawrhydi, yr Adran Gwaith a Phensiynau
- Sefydliadau iechyd – Bwrdd Iechyd Prifysgol Cwm Taf, Meddyg Teulu, Deintydd ac ati (os yw'ch problem yn gysylltiedig ag iechyd)
- Canolfan Cyngor ar Bopeth
- Asiantaethau gorfodi'r gyfraith a chyrrff ymchwilio fel yr Heddlu, y Gwasanaethau Prawf
- Eich landlord / cymdeithas dai ac ati (e.e. os ydych chi'n byw mewn llety wedi'i rentu a bod eich problem yn ymwneud â'ch rhent/llety).

Oni bai bod rhaid i mi wneud hynny yn ôl y gyfraith, er enghraifft at ddibenion atal/canfod troseddau neu ddiogelu plant neu oedolion sy'n agored i niwed, fydd yr wybodaeth bersonol ddim yn cael ei datgelu ymhellach ac eithrio at ddibenion delio â'ch cais am gymorth.

Defnyddio systemau e-bost y Cyngor

Os ydych chi'n cysylltu â mi drwy fy nghyfeiriad e-bost yn y Cyngor (enw@rctcbc.gov.uk) byddwch yn ymwybodol y bydd yr wybodaeth sydd yn yr e-byst hynny yn cael ei storio gan y Cyngor ar eu systemau TG diogel. Mae'n bosibl y bydd y Cyngor yn sganio a monitro e-byst at ddibenion diogelwch (er enghraifft, adnabod a blocio firsau niweidiol).

7. Am faint o amser bydd fy ngwybodaeth yn cael ei chadw?

Fel mater o egwyddor, fydda i ddim yn cadw gwybodaeth bersonol am gyfnod hwy nag sydd ei hangen mewn perthynas â'r pwrpas gwreiddiol y cafodd ei chasglu ar ei gyfer.

Er mwyn rheoli hyn yn effeithiol, bydda i'n adolygu pob cofnod sy'n cynnwys gwybodaeth bersonol bob 6 mis ac yn dileu'r rhai does dim eu hangen bellach.

Fydda i ddim yn cadw'r cofnodion sydd angen eu cadw am gyfnod hwy na thair blynedd o'r dyddiad daw'r achos i ben.

8. Eich gwybodaeth, eich hawliau

Mae'r Rheoliad Cyffredinol ar Ddiogelu Data (GDPR) yn rhoi hawliau pwysig i chi. Eich prif hawliau mewn perthynas â'r wybodaeth rwy'n ei phrosesu amdanoch chi yw:

- Yr hawl i gael gwybod – mae gyda chi'r hawl i wybod pa wybodaeth rwy'n ei phrosesu amdanoch chi a'r hyn rwy'n bwriadu ei wneud â hi (mae'r hysbysiad preifatrwydd yma yn

bodloni'r gofyniad yma mewn perthynas â gwaith achos).

- Yr hawl i gael mynediad – mae gyda chi'r hawl i ofyn am gopi o'r wybodaeth bersonol sydd gyda fi amdanoch chi.
- Yr hawl i gywiro – mae gyda chi'r hawl i gywiro gwybodaeth rwy'n ei chadw amdanoch chi os yw'n anghywir neu'n anghyflawn.
- Yr hawl i gyfyngu ar brosesu – mewn rhai amgylchiadau mae gyda chi'r hawl i ofyn i mi roi'r gorau i brosesu eich gwybodaeth bersonol.

I gael rhagor o wybodaeth am eich hawliau gwybodaeth ac ym mha sefyllfaoedd maen nhw'n berthnasol, ewch i <https://ico.org.uk>

9. Sut i gysylltu â mi

Os oes gyda chi unrhyw bryderon, neu os ydych chi eisiau rhagor o wybodaeth am sut y bydda i'n defnyddio'ch gwybodaeth bersonol, cysylltwch â mi:

E-bost: Jill.Bonetto@rctcbc.gov.uk

10. Eich hawl i gwyno

Mae gyda chi'r hawl i gwyno i'r Comisiynydd Gwybodaeth (Information Commissioner) os dydych chi ddim yn fodlon ar fy ymateb ar ôl cysylltu â mi am bryder ynglŷn â diogelu data.

Dyma'r manylion cyswllt os ydych chi eisiau cwyno i'r Comisiynydd Gwybodaeth:

Information Commissioner's Office, Wycliffe House, Water Lane, Wilmslow, Cheshire, SK9 5AF

Llinell gymorth: 0303 123 1113

